

Aðstaða fyrir rannsakendur í ReykjavíkurAkademíunni

Þjónusta og áframhaldandi uppbygging innviða

Samþykkt af stjórn 13. mars 2024

ReykjavíkurAkademían er bakhjarl rannsakenda

ReykjavíkurAkademían er rannsókn- og nýsköpunarstofnun í menningar-, hug- og félagsvísindum sem hefur með samningi við menntamálaráðuneytið tekið á sig það hlutverk að efla formlegan vettvang fyrir sjálfstæðar rannsóknir og nýsköpun; virkja og tengja saman þann mannafla sem stundar sjálfstæðar rannsóknir og hvetja til fjölfaglegs samstarfs innanlands sem utan. Þá er stofnuninni ætlað að veita „vísindamönnum í sjálfstæðum rannsóknum starfsaðstöðu og rannsóknarþjónustu.“

ReykjavíkurAkademían vinnur að því að efla enn frekar þjónustu við sjálfstætt starfandi rannsakendur og auðvelda þeim að fjármagna verkefni með styrkjum. Til þess að svo megi vera þarf stofnunin að standa jafnfætis öðrum rannsóknastofnunum og huga þarf sérstaklega að því að þekking á starfsumhverfinu varðveitist á skrifstofu hennar.

Rannsakendur sem starfa við ReykjavíkurAkademíuna geta gert ráð fyrir því að stofnunin:

1. tryggi viðunandi starfsaðstöðu fyrir rannsakendur að leigja
2. bjóði upp á rannsóknarþjónustu
3. tryggi viðurkennda fjárhagslega umsýslu verkefna
4. bjóði upp á aðra þjónustu sem nýtist verkefnum
5. tryggi sýnileika verkefna og fræðimanna
6. styðji við miðlun niðurstaðna rannsókna á því formi sem hentar rannsókn hverju sinni

Á móti er mikilvægt að fræðimenn:

1. kenni sig við ReykjavíkurAkademíuna í fyrirlestrum, ráðstefnu umsóknum, viðtölum
2. noti glærur og bréfsefni með lógói Akademíunnar í fyrirlestrum og kynningum
3. geti stofnunarinnar þegar niðurstöður rannsókna eru kynntar
4. sendi stofnuninni nauðsynlegar upplýsingar sem óskað er eftir til birtingar

Í þessari samantekt á þjónustu ReykjavíkurAkademíunnar við rannsakendur og hópa er verið að festa niður skýr og sanngjörn viðmið um hvað felst í þjónustu Akademíunnar við rannsakendur og rannsóknarhópa. Hún er unnin af vinnuhópi stjórnar ReykjavíkurAkademíunnar 2023-2024 og ritstýrt af framkvæmdastjóranum, Önnu Þorbjörgu Þorgrímsdóttur. Umgjörðin var samþykkt af stjórn ReykjavíkurAkademíunnar 13. mars 2024 .

Gert í ReykjavíkurAkademíunni, mars 2024

Lilja Hjartardóttir og Ingunn Ásdísardóttir

Grunnþættir þjónustu við rannsakendur

Til þess að ReykjavíkurAkademían geti gegn hlutverki sínu sem rannsókn- og nýsköpunarstofnun sem veitir vísindamönnum í sjálfstæðum rannsóknum starfsaðstöðu og rannsóknþjónustu þarf stofnunin að vera styrkur stofnanalegur **bakhjarl** rannsakanda og bjóða upp á **starfsumhverfi** sem styður almennt við rannsakendur og rannsóknahópa.

Sterkur stofnanalegur bakhjarl

Mikilvægt er að ReykjavíkurAkademían búi yfir þekkingu á umhverfi rannsókna, sé sýnilegur og virtur samstarfsaðili og hafi bolmagn til þess að veita sjálfstæðum rannsakendum þann stuðning sem þeir þurfa. Þess vegna mun stjórn og starfsfólk ReykjavíkurAkademíunnar vinna að því að :

- styrkja ímynd ReykjavíkurAkademíunnar sem rannsóknastofnunar
- viðhalda og styrkja ímynd ReykjavíkurAkademíunnar sem stofnanalegur bakhjarl rannsóknaverkefna
- ýta undir sýnileikann með viðburðum á vegum stofnunarinnar og fræðimanna hennar
- efla samvinnu og samstarf við rannsóknastofnanir um umsóknir um styrki innan lands og utan
- efla og viðhalda þekkingu innan stofnunarinnar um rannsóknsumhverfið og um utanumhald rannsóknaverkefna og stærri og minni viðburða

ReykjavíkurAkademían stuðlar að því að byggja upp rannsóknsumhverfi fyrir sjálfstætt starfandi fræðafólk og er talsmaður hópsins á opinberum vettvangi, gagnvart stjórnvöldum og vísindasamfélaginu. Áherslur stofnunarinnar eru meðal annars að:

- Styðja við stækkun Starfslaunasjóðs sjálfstætt starfandi fræðimanna
- Vinna að stofnun rannsóknasjóðs sem styrkir innanlandsrannsóknir eða breytingar á formkröfum Rannsóknasjóðs
- Veita rannsóknsumhverfinu aðhald og tala máli sjálfstætt starfandi fræðimanna og minna á samfélagslegt mikilvægi þess að ríkið styðji við rannsóknir fræðafólks sem starfar utan háskólanna.

Starfsumhverfi og almennur stuðningur við rannsakendur

- Ungt vísindafólk í rannsóknartengdu framhaldsnámi innanlands sem utan fái 30% afslátt
- Góð starfsaðstaða og virkt fræðasamfélag
- Gott bókasafn

- Virkt rannsóknaumhverfi sem tengir saman fræðafólk til þess að ræða rannsóknir og umsóknir í sjóði
- Akadémían stuðli að myndum þverfræðilegs tengslanets rannsakanda við stofnunina og að jafningja-umræðum um rannsóknir og styrkumsóknir
- Akadémían stuðli að þátttöku í tengslanetum innan annarra rannsóknastofnana
- Styður við myndun rannsóknahópa sem sækja um í rannsóknasjóði
- Góð aðstaða til funda- og viðburðahalds með góðum fundarbúnaði
- Kynningar á fræðafólki: rafrænar ferilskrár og kynningar, kostur á aðild að IRIS, aðstoð við að nýta til dæmis academia.edu, Linkedn og ORcid.id
- Sýnileiki rannsóknaverkefna á vef stofnunarinnar
- Útdrættir úr greinum, bókum, heimildabáttum og öðru efni sem tengist rannsóknnum og birtingum
- Árleg, rafræn rannsóknarskýrsla birt á vef stofnunarinnar og á samfélagsmiðlum
- Stofnanalegur bakhjarl og ráðgjöf við rannsóknir og umsóknir
- Aðstoð við skipulagning viðburða, fyrirlestra, málþinga ráðstefna og fundaraða í tengslum við rannsóknaverkefni
- Veitir styrki til verkefnistjóra styrktra rannsóknaverkefna sem eru sjálfstætt starfandi
- Uppsetning vefsíðu og hjá stofnunni eða á vef stofnunarinnar [www.xxx.akademia.is eða www.akademia.is/xxx]
- Þátttaka Akadémiunnar í viðburðum sem rannsakendur hafa frumkvæði að
- Vettvangur til að halda opinbera fyrirlestra
- Í burðarliðnum:
 - o Aðgangur að háskólanetinu / Eduroam
 - o Rafrænt vinnusvæði fyrir rannsóknarhópa
 - o Myndun tengsla við doktorsnema og nýdoktora
 - o Sameiginlegur rafrænn vettvangur fyrir þátttakendur verkefnisins

Fjórir grunnþættir ReykjavíkurAkadémiunnar eru rannsóknarþjónusta og gott orðspor stofnunarinnar, ásamt góðri starfsaðstöðu og frjóu fræðasamfélagi.

Að þeim þarf að hlúa í öllum rekstri til að hún geti staðið undir nafni sem rannsóknarstofnun. (Sesselja)

Rannsóknþjónusta ReykjavíkurAkademíunnar

Rannsóknarþjónusta ReykjavíkurAkademíunnar vaktar tækifæri til sóknar í rannsóknarsjóði og veitir aðstoð við gerð umsókna um styrki, vinnslu fjárhagsáætlana og rekstur rannsóknarverkefna.

Rannsóknarþjónustan aðstoðar jafnframt sjálfstætt starfandi fræðafólk eftir föngum við að efla samvinnu við erlenda vísindamenn, háskóla og rannsóknarstofnanir. Eftirfarandi þjónusta er í boði:

Fjármögnun rannsókna

- Vöktun á styrkmöguleikum innanlands og utan
- Aðstoð við gerð umsókna, meðal annars yfirlestur og skapa samtal á milli fræðafólks
- Aðstoð við gerð ferilskrár
- Aðstoðar rannsóknaverkefni við umsóknir í aðra sjóði vegna mögulegra hliðarverkefna
- Aðstoð við skýrslugerð og fjárhagsuppgjör vegna styrktra verkefna

Mat á árangri sjálfstætt starfandi rannsækenda

- Gagnasöfnun, tölfræðivinnsla og skýrslugerð um árangurshlutfall umsókna, sjálfstæða rannsækendur og afrakstur rannsókna þeirra

Kynningar- og tengslastarf

- Aðstoð við kynningar á rannsóknum við ReykjavíkurAkademíuna, t.d. á vef stofnunarinnar og í tengslum við einstaka viðburði og áfanga
- Tala máli sjálfstætt starfandi við yfirvöld og rannsóknarsjóði innanlands og utan

Aðstaða og þjónusta við styrkt verkefni

ReykjavíkurAkademían býður upp á góða þjónustu við rannsækendur og rannsóknahópa sem hlotið hafa styrk og kjósa að vera við ReykjavíkurAkademíuna. Hér er tíundað hvað felst í þjónustu við rannsækendur og við verkefnisstjóra sem vilja taka að sér að byggja upp rannsóknahóp með sæti við Akademíuna. Nauðsynlegt er að verkefnið hafi skrifstofu í Þórunnartúni og að rannsækendur séu virkir þátttakendur í samfélaginu þar og stuðli þannig að uppbyggingu á góðu rannsóknarumhverfi.

Samrekstur og aðstaða (overhead)

Samrekstur er fastur kostnaður sem ekki er beint tengdur einstökum verkefnum, en verður til vegna starfsemi rekstraraðilans. Um er um að ræða kostnað vegna húsnæðis svo sem leigu, hita, rafmagn, stjórnun rekstrareininga og reksturs tölvubúnaðar. Þá er innifalið í þjónustu við rannsóknarverkefni meðal annars „að standa straum af kostnaði, meðal annars launum, sem fylgir rannsókninni en tengist ekki fræðilegri vinnu hennar heldur snýr að utanumhaldi. Það er að halda utan um fjármuni verkefnis, greiða reikninga, bóka og endurskoða, kynna rannsóknina, halda utan um málstofur,

málþing og ráðstefnur tengdar rannsóknum innan þess ramma sem fjármagn leyfir, kostnaður við aðstöðu og stofnanalegan bakgrunn.“¹

Eins og hjá Háskóla Íslands þá er tekjum Akademiunnar vegna samreksturs og aðstöðu skipt á milli verkefnisins og stofnunnarinnar á eftirfarandi hátt: 40% af umsýslutekjum fara til verkefnisins, 40% nýttir ReykjavíkurAkademían til aðstöðusköpunar fyrir verkefnið og markvissa þjónusta við rannsakendur og 20 % fer til reksturs ReykjavíkurAkademiunnar.

Verkefnið sjálft (40%) Dæmi:

- ófyrirséður kostnaður, m.a. tengdur þýðingum og útgáfu
- kvöldverður sem haldinn er í tengslum við fundi rannsóknahópsins
- tölvur fyrir verkefnisstjóra
- bækur og tímarit og áskrift t.d. að academia.edu og IRIS
- laun vegna lokafrágangs verkefnis
- ferð og upphald fyrir erlenda gestafyrirlesara

Rannsóknþjónustan (40%) Dæmi:

- greiðsla, sem nemur mánaðarlaunum til verkefnisstjóra þegar verkefni er styrkt
- leiga á vinnuaðstöðu fyrir verkefni sem eru í þróun
- laun rannsóknastjóra eða aðkeypt þjónusta rannsóknastjóra/sjóðasækis
- uppbygging þjónustu við verkefni
- sameiginlegur rafrænn vettvangur
- vefsíðugrunnur og uppsetning á vefsíðu verkefnisins og hýsing
- aðgangur að háskólanetinu (í framtíðinni)
- vinnuaðstaða fyrir verkefnið
- vinnuaðstaða fyrir erlenda þátttakendur
- funda- og fyrirlestraaðstaða
- auglýsingar og kynningar á verkefninu
- lagt út fyrir launum og öðrum kostnaði sem tengist verkefninu þótt greiðsla hafi ekki borist frá Rannís

Framkvæmdastjóra er heimilt að semja sérstaklega um nánari útfærslu á skiptingu kostnaðar og verkþátta og undirritar samning við verkefnisstjóra með fyrirvara um samþykki stjórnar ReykjavíkurAkademiunnar.

Ræktun rannsóknahópa

Það þarf að láta það berast að ReykjavíkurAkademían er góður staður til að hýsa verkefni (m.a. fyrir alumni) og að þeim standi til boða ódýr og/eða gjaldfrjáls borð í ákveðinn tíma meðan unnið er að umsókn um styrk.

¹ Sesselja, RannsóknarSmiðja RA, bls. 33.

Mynda þarf panel reyndra fræðimanna sem hver um sig sæi um að byggja upp rannsóknahóp við Akademiuna í kringum ákveðið þema. Hver fræðimaður myndaði 4-5 manna stjórn verkefnis. Dæmi um þemu: atvinnu/verkalýðssaga með aðkomu Bókasafns Dagsbrúnar, heilbrigðis- og félagssaga.

Semja þarf við reynda verkefnisstjóra um að þeir myndi rannsóknahópa og sækja um styrki í nafni ReykjavíkurAkademiunnar gegn loforði um að viðkomandi fái greidda ákveðna upphæð af umsýslutekjum fái verkefnið styrk.